

| | |
|----------------------------------|--|
| Adroddiad i'r: | Pwyllgor Craffu Perfformiad |
| Dyddiad y cyfarfod: | 18 Mawrth, 2021 |
| Aelod Arweiniol / Swyddog | Y Cynghorydd Julian Thompson-Hill, Dirprwy Arweinydd ac Aelod Arweiniol Cyllid, Perfformiad ac Asedau Strategol |
| | Alan Smith, Pennaeth Gwella Busnes a Moderneiddio |
| Awdur yr Adroddiad: | Iolo McGregor, Arweinydd y Tîm Cynllunio Strategol a Pherfformiad |
| Teitl | Cynllun Corfforaethol, Chwarter 3, 2020 i 2021 - Diweddariad |

1. Am beth mae'r adroddiad yn sôn?

- 1.1 Mae'r adroddiad hwn yn cyflwyno'r wybodaeth ddiweddaraf am gyflawni Cynllun Corfforaethol 2020 i 2021 ar ddiwedd chwarter 3 (mis Hydref i fis Rhagfyr 2020).

2. Beth yw'r rheswm dros lunio'r adroddiad hwn?

- 2.1 Darparu gwybodaeth am gynnydd y Cyngor ar ddiwedd chwarter 3, 2020 i 21, mewn perthynas â chyflawni canlyniadau'r Cynllun Corfforaethol.
- 2.2 Mae adrodd yn ôl yn rheolaidd yn un o ofynion monitro hanfodol y Cynllun Corfforaethol er mwyn sicrhau bod y Cyngor yn gweithredu ei ddyletswydd i wella. Mae adroddiadau perfformiad chwarterol yn cael eu rhannu â'r Uwch Dîm Arweinyddiaeth (UDA), y Cabinet a'r Pwyllgor Craffu Perfformiad yn rheolaidd.

3. Beth yw'r Argymhellion?

- 3.1 Argymhellir bod y Pwyllgor Craffu Perfformiad yn ystyried yr adroddiad, ac unrhyw gamau pellach sydd eu hangen i ymateb i unrhyw faterion sy'n ymwneud â pherfformiad a amlygir yn yr adroddiad.
- 3.2 Yn amodol ar unrhyw newidiadau a gyfunwyd, mae'r Pwyllgor Craffu Perfformiad yn cadarnhau cynnwys yr adroddiad drafft.

4. Manylion yr Adroddiad

- 4.1 Mae Cynllun Corfforaethol y Cyngor 2017-2022 yn gosod y cyfeiriad strategol i'r cyngor a'i flaenoriaethau dros y cyfnod o bum mlynedd. Nodir y manylion ynglŷn â'r hyn mae'r cyngor yn bwriadu ei wneud bob blwyddyn i helpu cyflawni'r blaenoriaethau hyn yn y cynlluniau gwasanaeth blynyddol. Mae'r prosiectau yn deillio o Gynlluniau Gwasanaethau a Rhaglenni. Caiff adroddiadau cynnydd eu darparu i'r UDA, y Pwyllgor Archwilio Perfformiad a'r Cabinet drwy ein hadroddiadau chwarterol.
- 4.2 Yn yr adroddiad hwn, darperir crynodeb o ddata a diweddariadau prosiect, ynghyd â tablau data sy'n rhoi amlinelliad llawn o'n sefyllfa bresennol. Cyflwynir astudiaethau achos diweddar hefyd, sy'n dangos ein cefnogaeth i Ddeddf Llesiant Cenedlaethau'r Dyfodol, y Ddeddf Cydraddoldeb, a'r Ddyletswydd Gymdeithasol-Economaidd.

5. Sut mae'r penderfyniad yn cyfrannu at y Blaenoriaethau Corfforaethol?

- 5.1 Mae'r adroddiad hwn yn darparu gwybodaeth am ein cynnydd wrth gyflawni'r Cynllun Corfforaethol. Dylai unrhyw benderfyniad a wneir gyfrannu at gyflawni'r Blaenoriaethau Corfforaethol yn llwyddiannus.

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1 Nid oes unrhyw gostau yn gysylltiedig â'r adroddiad hwn.

7. Beth yw prif gasgliadau'r Asesiad o'r Effaith ar Les?

7.1 Nid oes angen Asesiad o Effaith ar Les ar gyfer yr adroddiad hwn. Mae'r adroddiad hwn yn darparu gwerthusiad ôl-weithredol o berfformiad y Cyngor ac nid oes unrhyw effaith bosibl ar bobl sydd â nodweddion a ddiogelir. Cynhaliwyd Asesiad o Effaith ar Les ar y Cynllun Corfforaethol, a chafodd ei gyflwyno i'r Cyngor Sir pan gymeradwywyd y cynllun ym mis Hydref 2017.

8. Pa ymgynghoriadau sydd wedi'u cynnal gyda Chraffu ac eraill?

8.1 Mae'r adroddiad wedi'i lunio gan y Tîm Cynllunio Strategol, mewn ymgynghoriad â gwasanaethau eraill y Cyngor. Mae'r wybodaeth ynglŷn â pherfformiad sydd wedi'i chynnwys yn y ddogfen wedi ei darparu gan wasanaethau, ac mae wedi ei chymryd o'r system reoli perfformiad Verto. Ystyriwyd yr adroddiad gan y Tîm Arwain Strategol ar 4 Mawrth. Yn dilyn y Pwyllgor Craffu Perfformiad ar 18 Mawrth, caiff ei rannu gyda'r Cabinet ar 23 Mawrth.

9. Datganiad y Prif Swyddog Cyllid

9.1 Nid oes goblygiadau ariannol arwyddocaol o ganlyniad i'r adroddiad hwn.

10. Pa risgiau sydd yna ac oes yna unrhyw beth y gallwn ei wneud i'w lleihau?

10.1 Nid oes unrhyw risg benodol yn gysylltiedig â'r adroddiad hwn. Swyddogaeth y Gofrestr Risgiau Corfforaethol a'r Gofrestr Risgiau Gwasanaethau yw dynodi (a rheoli) achosion posib' o risg a allai olygu na all y Cyngor gyflawni ei Gynllun Corfforaethol.

11. Pŵer i wneud y Penderfyniad

11.1. Mae rheoli perfformiad a monitro yn elfen allweddol o Raglen Cymru ar gyfer Gwella, sydd wedi'i thanategu gan ofynion statudol Deddf Llywodraeth Leol 1999 a Mesur Llywodraeth Leol (Cymru) 2009.

11.2 Mae Adran 21 y Ddeddf Llywodraeth Leol yn nodi rôl a phwerau ein Pwyllgor Craffu. Mae Adran 7 Cyfansoddiad y Cyngor yn amlinellu rôl y Pwyllgor Craffu Perfformiad i adolygu a chraffu ar y Cyngor mewn perthynas â'i amcanion polisi, targedau perfformiad a/neu feysydd gwasanaeth arbennig; gan gynnwys rheoli perfformiad a'r Cynllun Corfforaethol.